



月峰集
坤

二
共

~ 16
2361
2



2361
2-2



月峯集卷之四

應製錄

祭文

諭祭同知中樞府事李麟奇文

惟靈元龍豪氣北海雄詞聲高藝苑不遇者時互昌
 後嗣篤生雄姿左右寡躬洗日咸池逆孽滔天胄落
 魚門父教之忠雖沒猶存鄉尊齒德神所扶持俾登
 樞府玉映金輝白髮重冠飄然若神絳縣他日仔見
 疑年如何一疾遽至云公顧瞻南極壽星韜光遣臣
 臨奠日吉辰良魂兮未泯歆此一觴

時帝司憲府掌
 令製教製



進

諭祭順陽君昕文

惟靈天潢疏派棟莠騰芬休戚是同溫雅不羣為善最樂居高益謙心存王室義形必霑胡寧予忍而不其延宗盟日凋為之潛然遣官臨奠卜吉辰良庶幾有知歆此哀觴

祝文

公清道庇仁縣鄉校 聖廟改柱修理先告

事由 時帝知製教製進

移安祝文

廟宇柱傾宜改宜修茲移 神位先告端由

還安祝文

既改既修廟宇惟新還安 神位式薦明禋

鄉校 縣名 聖廟修理先告事由

移安祝文

積雨傾頽廟宇將修茲移 神位敢告厥由

還安祝文

載首載完 神位修寧茲敢奉還式薦惟馨

教書

教三等奮忠贊謨靖 社功臣前郡守宋時範

書

王若曰風雲遇會既贊撥亂之謨茅土加名式彰報
功之典惟爾自致非予敢私前郡守宋時範神資秘
機天與拳勇虎頭食肉人稱萬里之封侯猿臂射雕
自笑數竒之飛將曠際昏庸之罔念坐致 宗社之
將傾匡復正賴於寡躬翊戴實資其雄略南宮反正
掃挽搶於紫衢西殿迎朝開日月於黃道方期一堂
而安樂豈意九原之隔閔會屬帝殞之盟益軫辰日
之慟撫偉績於麟閣今也則凶字遺孤於羽林古有
其訓宜申采錫庸顯息崇肆丹甬為奮思贊謨靖

社三等功臣云云於戲元氣所憑不存凶於終始九
原可作尚哀榮於幽明故茲教示想宜知悉

教振武功臣池繼灌書

王若曰再興果明哲德未獲於宣光一戰樹功勲位
許列於冠鄧茲稽故典非出私恩爾移孝為忠捐軀
殉國爾忘爾父恒懷卧薪之悲吾戴吾頭忍視離宮
之厄誓鳩雍丘之義旅以遏范陽之克鋒奉荀瑩以
主盟有鞍之戰追臧紇之賈勇單騎以馳翦鯨鯢以
復京都掃氛翳而覩日月用褒勸其爵賞分渙錫乎
山川肆丹甬為振武功臣三等云云於戲期保始終

月峯集卷四
母替負荷雲臺麟閣既圖熊豹之姿鉄券丹書式遵
金石之訓故茲教示想宜知悉

教靖社功臣前僉正宋英望書

王若曰山川間氣本自為時而生國家中興必有名
世者出王功是策迺績居多傑然爾姿拔乎其萃留
心斯世蓋嘗抱經濟於胸襟快意當年非獨擅風流
於湖海才華蜀錦義氣吳鉤身為布衣而果於忘家
念及王室則潛焉出涕巷遇主而無咎天以汝而授
予神器將傾不扶則何安也曩倫攸叙撥亂而反正
之大義昭昭萬古炳炳如黑蛇紫氣之事識鑑先明

在車門板橋之間締搆已密至於扶日上天之際悉
其奠邦能國之材式底再休無異肇造肆丹甬為靖
社三等功臣云云於戲無德不報有功必酬丹書
之信白馬之盟爾尚勉保其勲業景風為候勝日為
吉予當勿替以登崇永惟同心期與共樂故茲教示
想宜知悉

月峯集卷之四

月峯集卷之五

墓碣文

叅軍河公大豹墓碣文

公諱大豹字一變其先晉陽人也始至於司直逮至
 後昆官冕不絕諱自澹瑞呈漢彥湜皆中司馬誠為
 公高曾祖與考也妣姜氏以嘉靖庚戌閏六月二十
 六日生公公性行淑均誠孝出於固有之天四歲遭
 內艱七齡丁外憾服喪盡禮無異成人闋服之日追
 服前器哭泣哀毀一如初器其時所登光州牧柳景
 深使里民供其柴炭報方伯而謄錄于州其後還居

同福寒岡鄭先生為邑宰時待以賓師之禮報方伯
金夢熊而謄錄于縣雪月堂金富倫再報方伯金泰
昂而一遵寒岡而待之以士相見禮行養賢禮飲之
朔望必致祭需而存問其見敬如此歲之壬辰夏島
夷大舉八寇 玉輦遠狩關塞城闕丘墟於兵燹遯
矣西土途道不通公於是時在家而眷之西向痛哭
投袂而起乘舟浮海得到龍灣上中興之策而立哭
於行宮門外聲聞於內 宣廟大警動于心問侍衛
是何哭聲左右對之以實 宣廟即令引八問湖南
人心之去就賊勢之如何公對曰高敬命金千鎰起

義兵討賊賊勢雖強不足憂也仍陳克復之策 宣
廟嘉納以備宿衛天將李如松以二十萬衆渡江而
東濯征倭寇也以公定兵車六萬都差使負自義州
運于平壤迺七日程而晝夜倍行三日大捷平壤之
賊元帥大享之賜唐馬一匹移咨於 宣廟曰自古
忠義慷慨之士多起於艸萊之中今日之功出於河
生擢而用之 宣廟問於公曰爾所欲者何事公對
曰國未恢復臣所欲者死王事而已於是 宣廟為
之動容拜漢城府叅軍扈 駕還都于甲午秋後朝
廷兩徵不就終老于鄉里年七十三考終于 天啓

月峯集卷之五
壬戌三月初七日配慶州裴氏部將瑞評之孫嘉善
大夫行同知中樞府事漢宗之女成均生負金麟之
外孫 萬曆乙巳九月十九日卒與公同葬于瑞石
山東麓靈神之原子潤九文科及第厥志甚大將有
為也女適金億齡世之人稱孝友之家者必以河氏
為先焉

月峯集卷之五

月峯集卷之六

附錄

諸公贈遺詩

行路難送高正字君涉還京

行路難行路難蘆葦領銳天水雪寒辛勤結束費躋攀
盡日經行危石間熊羆後嗥豺在前進退股慄摧心
肝車傾馬顛在須臾倦僕恹恹無懽顏
行路難多險阨川原驛廢防盜賊曠野蒼茫少店舍
四面苦無衣冠宅投身卸鞍豈得計長夜不眠潛動
魄少壯征役古稱難况乎曠年筋力弱

鄭畸翁弘演

送高君涉為養之任興陽

臺廳風采揖崔嵬鳳掖微垣咫尺開不為老親那此
別即今小縣更復才魚蝦港口迴官舶橘竹林中勸
客盃江海舊遊曾不俗白頭改路此低徊

李澤堂 植

泮中送高君涉歸鄉

忠孝文章祖父兄知君不墜舊家聲平生愛讀中丞
傳今日聊將贈子行

宋琴巖夢寅

光山客舍贈君涉

軟艸飛花欲暝春馬前光景逐時新
綵後洛浦逢神女又向瀟湘見故人

瑞石聞名久今來羨興新天晴十日雨伴得百年親
落日西臨海歸雲北望秦重尋明有約留語桂花春

李白洲 明漢

贈月峯高君涉時宰興陽乙丑

伊人宛在海中央歲暝相思空斷腸
遙想瀛洲香橘裏把盃時憶舊同床

院外寒梅手自栽可憐消息臘前回
茫茫宇宙人如

許幾箇知音相訪來

梁寒泉 千運

酬高君涉

老去逢春默掩扉功名事業竟差遲
明時未必遺堯削自是衰慵與世違

河錦沙 潤九

朝天別章 庚申

奉送秋槎之燕京

摻裾惜別向秋旻貢路傷心統北宸
遼界山河悲鼓角燕天風雪灑征輪
一生忠孝傳家事萬里驅馳為國身
湖上明年芳艸驛相逢應是百花春

洪習懶 命者

奉送滄浪之燕京

有美滄浪子魁梧蓋世雄鯤鵬掀大海
麟鳳在層空忠孝傳家業文章萬國風
乘槎秋八月萬里路無窮

尹壺隱 英

送高負外君涉賀至朝京

曾從騎省費君吟八月槎行又見今
持被賢勞連禁直乘駄雅望屬華簪
燬勤別語行程苦缺祝中情戒酒箴
萬里燕山歸夢懶春風應有故鄉心

鄭世矩

奉送滄浪賀至朝京

三介無如御使賢，離愁不為白幽燕。一陽初賀新
皇帝，萬曆猶仍舊大年。黃屋此時非昨日，白雲何
處是先天。遙應拜跪呼嵩罷，感喜恩光照淚邊。

趙玄洲續韓

送高書狀君涉朝天

九地微陽一線回，明堂寶歷幹璇魁。不知萬國衣冠
會，誰似三韓使者才。黃道日開新氣色，紫宸雲慘舊
樓臺。憑君為吊談天客，碣石遺基俚艸萊。

張谿谷

送從子月峯傳川渡海赴京

滿京冠蓋足名臣，專對如今屬爾身。萬里滄溟應利
涉，只將先訓書諸紳。

晴沙

奉送高滄浪賀節如京

東藩貢職自先王，會慶年年玉帛將。暫輟詞臣廣
下价，即看文彩動班行。沿途物色輸詩畫，回首鄉關
入夢長。多病落南聞遠別，壤中無復羨翱翔。

鄭畸翁

月峯集卷之六

月峯集卷之七

附錄

祭文

嗚呼壽夭窮通一係于天為而人力不容於其間耶
噫以汝之才行宜若享其多福而年未至於六旬官
未躋于大夫是孰使之然哉汝之乘化之初聞之者
咸曰善人公矣莫不為之嗟咄况於至親骨肉之心
宜如何痛悼哉嗚呼吾一年長乎爾而貌時竹馬之
戲不願暫離讀書之同床就寢之連衾者十餘載矣
及其壯也吾與汝并參蓮榜榮觀萱堂慈顏有喜親

戚致賀而畢竟又從而相繼登科實萊門之幸也汝之釋褐而立於朝僅二紀而栢府臺坡薇垣春坊出八翱翔者久而雅望著於縉紳間矣詩律之清新字體之道媚見稱於儕流者夫豈徒哉奈之何黃梁夢罷蘭無香而鶴無聲汝雖蚤衰豈料其遽至於斯乎嗚呼憶歲在癸卯之夏吾妻于京口時方大暑霖雨連旬汝不遠千里馱乘羸馬訪余於松溪之寓居而握手慟哭情亦至矣公妻李氏之葬期定于初秋而汝能終始共看躬自題主焉此豈人之所可企而及之者哉至於辛未之秋吾罪與厄俱重在縲絏者

三歲汝對人言常流涕嗚咽見之者以為雖親父子何以過此靡不稱歎道是觀之汝之愛吾也出於至誠非馱吾知之國人亦知之矣上年春之孟吾蒙恩釋而還家于時風塵槍擻遠近騷動而吾便甬登途吊汝墓于他鄉之遠山嗚呼假令汝生存而卜筮於彼地則相逢引觴必歡喜不自持而其奈旅墳三尺默默無言而但松風蕭瑟窮山悄寂正古人所謂宿艸寒烟與世長隔無知無覺長卧大化之中自未死者觀之則斯為善矣之說實獲我心想像音容幽明異路悲踰躑躅果何益乎只有低空斷雲使我心

傷而已嗟呼汝平日休休焉與物無競而傷人之言
未嘗出於口如許樂易之君子何處更得來耶悲夫
汝之兩男皆質美而好學能繼家聲汝之身後之事
其無憾矣吁歲月如流汝之再暮修焉已迫矣汝生
時所自號月峯峯之下溪山州木村落籬垣宛然當
時物色而温温昔風味今不可復見矣豈不痛哉執
此一酌奠于靈筵汝之魂魄其必有知白頭病叔遠
來哀叫之狀想應飲泣於冥冥矣噫噫月峯其尚有
感於斯文也嗚呼哀哉尚饗

晴沙

序繼節行業承文藝夙出等夷少有聲譽去驕去
氣和辭恭皆曰善人其儀雍容我從托交于今幾年
幼而至壯老尤相憐前來閱歷險多順罕南移北遷
遠轉翰海憶行理事臨危申款靡君若是我何有友
篋裏之書卷中之詩依然神色或更遇之春時京洛
旅床夜聯各言還鄉性命苟全送君 歛衛我先出
城南南江水汙汙有情中途迤望恨不同還靄靄停
雲愁來難刪謂於深秋當踐舊約即往君家炊黍為
食度暑無便益知離索有時夢見顏貌如故言語分
明丁寧勞苦一日人傳吾友公矣斯言奚至淚落如

水噫嘻賢嗣且告葬期樽前握手何日可為終我此生無相見時白巖之西新阡是開蒼然溪嶂我將越來哀哉此人珍重此意含痛執筆文不倫理惟用薄具哭君之傍魂兮來思歆我一觴

金苔川 地粹

輓章

一家忠義冠天東人道長身類乃翁今日忽聞湖外訃未堪乘淚落秋風
三世論交有幾人此生孤露獨傷神褒忠祠下千竿竹不改當年翠色新

尹昉 稚川

苔軒子姓搃才賢節義文章著世傳
駉馬風聲行且避騎曹僚席忝曾聯
一生名宦纔三品千里音容奄九泉
何處江南埋玉樹屋樑秋月夢依然

金尚容 仙源

同君試院團樂日松竹蠻牆八月涼
從此襟期便傾倒中間聚散更微茫
風流舊業家聲遠駉馬浮名電掣忙
昭悵江南取蕭瑟苔軒梓木鎖荒岡

李慶全 石心

忠孝家聲世共推
憐君才業繼前遺
父懷白簡名愈

重危得袞袍事竟差終古青山獸不負祇今蒼昊信
無知長沙尚遣沙翁在事事傷心湧淚垂

金尚憲清陰

霽峯家世劇蕭條文彩如君是鳳毛臺閣暫遊思冠
易江湖晚興八持螯浮生遽作風漚滅後死猶為逆
族勞遙向南雲寄哀輓白頭無地盡三號

張維谿谷

抱病西街歲月更故人函問只心驚家聲祖父忠鯁
孝交道平生弟及兄殊食一年還似夢官啣三品亦
云榮可憐素羽妻南歸日却是當時駟召程

一別無端歲再更忽聞函訃淚河傾家傳忠孝元難
并契托金蘭寂有情樽會三清如昨日夢回千里隔
平生空留御史臺前柏夜夜霜枝作意鳴

崔鳴吉遲川

忠孝家聲遠清名代有人行優年竟奮官拙志難伸
柏府餘封事青山葬儒紳追惟三世詎衰白獸沾巾

尹新之玄洲

六十人間世吁嗟少一年抱才空白髮有子託青氈
歸觀從南國孤魂傍舊阡病率臨窆哭流淚愛潸然

徐景霄

風塵千里別非復少年時遠地書難到相思夢獸知
清樽誰對眼衰淚自交頤樂彼閻羅國吾行較子遲

鄭弘溟時翁

節義平生仰霽峯多君忠孝有家風楊音荀淑真無
松柏府薇垣盡匪躬北海空尊今不有南州人物更
誰雄湖山舉目偏垂淚舊日春坊席久同

金光炫

當年標舉鳳來儀不數人間蔡克兒長孺積薪嗟宦
海淵明漉葛足生涯東門屬耳投簪日南國驚心復
魄時無賴夢橋溪水在與誰相對倒深危

朴潢

忠孝堂堂柱我東綱常終賴子家風青氈不捲偷兒
手白簡頻從御史聰老去別離情更苦秋來團會計
還空浮生萬事渾如夢流水歸雲恨未窮
三十年前識姓名聲華藉藉自南方相逢便愛人如
玉暫別還憐鬢滿霜生世未周一甲子傳家幸有兩
兜郎山高水遠昌平里送子全歸乃祖傍

李景曾

海內知音獸有君百年交契醜蘭薰風塵京洛同携
手夜兩江湖幾討文白髮蒼顏俱曠境芝眉玉樹奄

孤墳幽明永作吞聲別淚滿南天日暮雲

金光赫

先公節孝古今無王父精忠日月俱天意不應窮此
老 聖朝方見聘亨衢下淹京洛心猶倦總返鄉山
病未蘇回首南雲杳千里一盃何處哭黃壚

洪柱元 無何堂

世息忠貞青史傳家聲詩禮白眉賢衿懷冲淡雲中
鶴藻思清新水上蓮烏府風悲千歲柏故山門掩九
秋天峨洋人世今誰在回首南天哭仲宣

李尚毅 香天默齋

大賢之後得吾兄人道麒麟地上行華貫揄揚皆外
事文章節義乃家聲醉鄉一夢仍長逝漢水相分隔
此生最是妻兒悲子子別時遺語更傷情

盧弘器

多病俱人世那知奄忽先交遊從少歲莫逆到殘年
暫別成長訣還鄉即返泉此時無限淚俯仰但茫然

李俊男

吾友滄浪子餘人我不知文章家業耳忠孝世傳之
守分是為羨揚名非所期秋風千斛淚長夜憶君垂

宋 徵 栗翁

京洛同為客酸辛歲幾道名聲承緒業詩酒足風流
軒冕非心願湖山營首丘翩然駕鶴去誰與賞清秋
日月驅時序江湖動客愁親朋殆已盡人世更何求
忽忽心如醉哀哀死即休此身無處托天地獨搔頭

梁千運

夢裏哀容覺後疑山谿此日州離離旅墳三尺終無
語澗水松風無限悲

姓名佚

月峯集卷之七

月峯集卷之八

行狀

昔我宣廟壬辰倭寇告警邦域波蕩人心恇惓莫
有鬪志時則有故大司諫高公孟英之子齊峯先生
諱敬命以前任工曹叅議家居湖南聞變之初首倡
大義檄召豪俊慷慨赴難其長子阜峯公前縣令諱
從厚次子鶴峯公前學諭諱曰厚俱從焉提數百烏
合之殘旅抗幾萬眾突之勅敵勢孤力單齊峯鶴峰
父子竟同日殉身於錦山之戰阜峯公適陣中相失
及聞父公及房已歿慟哭徒步八積尸中得遺體以

月峯集八
還英訖誓必復讐義無獸生泣血輿疾復收兵轉鬪
至晉陽被圍九日城陷軍潰知事不濟北向再拜投
江而死嗚呼自古忠孝之士死於君死於父者雖一
人出而天下莫不壯而悲之况父子兄弟之精忠大
義炳然卓立於宇宙之間哉日月河嶽之鍾氣毓靈
於高氏之門一何壯也旌表節惠燦然為百世之光
後之尚論者已詳且備矣或此家之人承父祖之緒
竒偉自立而以所遇之不同泯無傳焉則亦豈非可
恨歟鶴峯公有子曰諱傳川字君涉號月峯生於
萬曆戊寅七月十三日自在襁褓氣健而性慧與父

母同席而卧呼謂川字形父母大竒之因以命名嘗
愛學于祖父霽峯公少無怠慢之色未成童文藝已
日進聲譽藹蔚稍長風儀儼然動人見之者莫不異
之年纔十五遭壬辰之變游罹酷禍晝夜號天哀毀
不自支無有生成之望太碩人及仲父季父兩公大
憂之撫護慈育靡不極意適得全焉乙巳中司馬榜
季父晴沙公同居魁一世榮之廢朝時尊臣偉卿造
詔爾瞻輩倡廢 母之論乙卯四月公與進士鄭澤
雷等抗疏斥之因卞完平李相公扶倫之義辭氣凜
烈道是名振中外是年十月登 謁聖文科分館隸

戶部集
芸閣公以三烈之緒文章才望蔚然當世而為甬瞻
輩所擯屈時人皆惜焉丁巳拜持斧之職鯁直自恃
糾劾不顧卒被羣忌而無悔庚申以冬至書狀官赴
燕到遼薊與笈書曰萬里行役正值遼薊多梗唯思
不辱君命無忝所生甬可見其忠孝之根於天賦也
絕渡江泰昌 皇帝上賓周旋得禮處變無違新
皇帝親賜賞賚甚厚即異數也玉盃畫譜及紅梅尚
傳于家而王春天香馱葆海外吁亦可異也既復
命時事大變遂退歸於昌平縣與鄭畸翁弘演諸賢
相追隨寓情詩酒以自娛壬戌 仁廟自潛邸屢駕

臨公所居人或比之三顧因賜所居號柳川繫馬樹
尚存云癸亥改紀即拜兵曹郎知製 教六月除南
平縣監是冬解歸甲子適變與仲父靜軒公倡義募
兵到泰仁聞賊平而還三月拜工曹佐郎尋移兵曹
正郎赴闕西幕府有暝色隨寒雨高秋八塞樓三年
羌笛重慣聽古梁州之詠詩櫓之警絕類皆如此乙
丑拜司諫院正言尋拜成均館典籍直講在正言時
延勅于太平館館雋有違法之事公啓辭以正之八
月乞補興陽縣監廡白為治一塵不染丙寅以疾辭
還丁卯在光山舊庄聞亂急赴到尼城 東宮駕到

公州以號召使沙溪金文元公從事官扈衛到全州
統禦使柳斐然又辟公為從事將治兵北上會和議
成東宮旋駕公亦還家上章有當此主辱臣死之
日未效涓埃之報罪合萬死等語盡忠行義忘身報
國素所蓄積於中者推可知矣戊辰拜直講掌令濟
用監正十月補善山府使未赴拜禮賓寺正己巳拜
司導尚末宗簿軍器諸正十一月以掌令陳情乞焚
黃之行特命給由與馬而寵之時公之考鶴峯公
以公原從勲加贈領議政也庚午屢拜諸正掌令
皆不就辛未除靈巖郡守亦不赴間移承文院判校

壬申除侍講院弼善兼春秋館編修官是後柏府春
坊寺正司藝等官屢除旋遷祭酉以後優遊蕭散多
在鄉園丙子六月六日捐世子漢上之第八月歸葬
于長城朝會陽卯坐之原壽僅五十九初配平康蔡
氏贈司僕正忠益女未有舉再配光山金氏宣教
郎信女有一男斗綱繼配豐川盧氏贈左承旨宣
女有一男一女斗明女適營將李咸斗綱姿稟清高
專心經學號悔過堂自稱處士早世娶別提崔翼之
女只有一女適士人黃幾取從弟斗煥弟三子世和
為後斗明庚子生負以能詩名嘗講學於明齋尹文

成公之門娶奉事申自淑女有二女長適林龜年次
適李游側室二子二女世謙世徵女柳之義金東五
妻世和初娶將仕郎曹煒女生一男二女應星女適
士人金箴鄭後天後娶通德郎朴紹女生四男四女
應麟應震應三應七女適士人盧命甲金禹瑞白受
瓘金鍊八內外嫡庶曾玄不能盡記嗚呼公以忠烈
之孫毅烈之子孝烈之猶子稟圭璋之姿襲詩禮之
訓文學才器卓犖不羣蚤歲釋褐翱翔明廷展布施
為不惟自期之遠大人所希待必以廊廟宰輔之重
而沈屈低回不離於卑秩下邑之間公雖無意於榮

悴且公眼者其能無憾乎天理歟公平居休休焉與
物無競未嘗言人之過知其為謙恭和易之君子而
及夫臨事見義之勇人所莫奪故布衣一疏已著其
大節及登臺閣 慈殿有拜 陵之命而以禮爭之
宮房有免稅之濫而以訟論之斥使臣問禮之失論
延平連疏之非伸救玉堂辨明邪正皆人所難言而
公毅然行之聞亂舉義守正不撓恰似父祖二公若
所遇之地同則所樹立豈多讓乎哉以事親之心事
仲父季父如一焉晴沙公在縲絏公對人言常流涕
嗚咽人莫不感歎孝義德行之服襲家庭蓋如此其

詩文於公末技也斷爛餘存亦不過零金瑣羽安足
為觀公之彷彿也風裁動於當時聲名垂於後世克
紹家風無愧古人此與浮沈碌碌無所成就者不翅
天淵之判其不可肅可敬也夫其八世孫濟遠抱家
狀謂余有先好要得據實而識之迺得見正氣錄及
公遺稿一卷歎息咨嗟不覺曠感於數百載之下矣
世德實行已俱載於耳溪洪太史所撰碣銘復何求
公之狀哉特有碣無狀恐失於詳略而然歟碣銘之
所未詳余何敢追述焉然節烈之門忠孝之家又有
如公之正直賢良今於文字之事托名幸矣敢以拙

陋辭乎略掇其既云甫謹狀

正憲大夫行禮曹判書兼知 經筵春秋館義
禁府事同知成均館事弘文館提學五衛都摠
府都摠管 經筵日講官徐憲淳拱

父晴沙公提携教育業大進乙巳中進士而晴沙居
榜首一世榮之光海時孽臣造詔爾瞻倡廢母之
論乙卯四月公與進士鄭澤雷等抗疏斥之因卞完
平李相公扶倫之義辭氣激烈士論以張是年十月
登 謁聖文科授校書館正字公父祖殉國才望蔚
然而屈置芸閣者為爾瞻輩所擯也庚申以冬至書
狀官赴京師絕渡江聞 恭昌皇帝上賓周旋處變
無違禮 新皇帝親賜賞賚華人稱之既復命時事
大變遂退歸昌平與鄭畸翁弘溟林掌令得悅相追
隨自放於詩酒癸亥改紀即拜兵曹佐郎選知製

教六月除南平縣監是冬解歸家居甲子適及公即
與仲父靜軒公倡義募兵到泰仁聳亂平罷還三月
拜工曹佐郎尋移兵曹正郎乙丑拜司諫院正言遞
拜成均典籍移直講八月乞補興陽縣監廉白自持
丙寅以疾辭丁卯在光山聳亂赴尼城 東宮駕到
公州以號召使從事官隨到全州統禦使柳斐然辟
公為從事將治兵北上會和議成 東宮旋駕公亦
還家戊辰拜直講掌令濟用監正十月補善山府使
未赴拜禮賓司導尚衣宗簿諸寺正屢拜掌令而皆
不就辛未除靈巖郡守亦不赴間為承文院判校壬

申除侍講院弼善兼春秋館編修官是後屢拜柏府
春坊丙子六月六日没于漢城之第八月歸葬于長
城朝會陽卯坐之原得年履五十九朝野莫不嗟惜
一代名公多作誄以哀之公為人謙退和厚未嘗言
人之過而及為臺閣敢言不諱請寢 慈殿拜 陵
之禮請革宮房免稅又論使臣崔有海私問大禮於
華人之罪請削仕版迨平府院君李貴連進追崇之
議有若角勝清議請罷其職皆人所難言也識者謂
有乃祖之風為詩清勁豪逸如其為人公凡三娶平
康蔡氏 贈司僕正忠益之女光山金氏宣教郎信

之女豐川盧氏 贈承旨宣之女金氏舉一男曰斗
綱專心經學以處士終盧氏舉一男曰斗明以能詩
名一女營將李咸妻孫曾不盡記公後孫時佐千里
賈幣來乞樹墓之辭不佞常慕公家貞忠大節炳耀
百世公又克紹家聲立朝風裁有可書者謹叙次而
為之銘曰

高氏三忠如卞成陽蠻海歛波星岳騰光月峯揚聲
繼跡名門布衣抗慨尺疏扶倫再奔國難投袂奮身
正色臺端謗諤敢言毅烈之子忠烈之孫

崇祿大夫行吏曹判書兼判義禁府事知 經

月峯集卷之九
送事弘文館大提學藝文館大提學知成均館
春秋館事五衛都摠府都摠管洪良浩撰

月峯集卷之八

月峯集卷之九

年譜

皇明神宗皇帝萬曆六年

本朝 宣祖 戊寅七月 庚申

十三日

壬戌時村公生于光州鴨保村舊第

公姿容和厚神氣明粹聰敏絕類在襁褓時與父母同卧呼謂川字考毅烈公大奇之因以川字命名焉

七年己卯

公二歲

考毅烈公登進士三等七人

八年庚辰

公三歲

九年辛巳公四歲

十年壬午公五歲

十一年癸未公六歲

十二年甲申公七歲

十三年乙酉公八歲

受學于祖考忠烈公忠烈公最奇愛之

十四年丙戌公九歲

十五年丁亥公十歲

十六年戊子公十一歲

正月初九日妣 贈貞敬夫人咸平李氏卒

十七年己丑公十二歲

考毅烈公登增廣文科丙科第六人

十八年庚寅公十三歲

十九年辛卯公十四歲

公雖未成童文藝超凡本道監司試士白塲居魁

賞論語一帙

仲父靜軒公登進士

二十年壬辰公十五歲

四月倭奴八寇

七月初十日祖考忠烈公考毅烈公同日殉節于

錦山

二十一年癸巳公十歲

六月二十九日伯父孝烈公殉節于晉州真石樓

南江

公於二年之間存遭忠烈公孝烈公毅烈公殉節

惟依祖妣 贈貞敬夫人蔚山金氏膝下仲父靜

軒公季父晴沙公提携教訓學業大成

二十二年甲午公十歲

九月服闋

二十三年乙未公十歲

二十四年丙申公十歲

二十五年丁酉公二歲

二十六年戊戌公二歲

聘夫人平康蔡氏 贈司僕正忠益之女也

二十七年己亥公二十歲

二十八年庚子公三十歲

祖考忠烈公祠建于光州靈峯山南麓伯父孝烈

公考毅烈公配享焉

公陪晴沙公渡錦江和五律一首有霜落荆門夜

天寒錦水流之句

二十九年辛丑公二十四歲

三十年壬寅公二十五歲

三十一年癸卯公二十六歲

祖考忠烈公院 賜額褒忠

三十二年甲辰公二十七歲

三十三年乙巳公二十八歲

中進士三等第五人晴沙公居魁

三十四年丙午公二十九歲

晴沙公登增廣文科

三十五年丁未公三十歲

三十六年戊申公三十一歲

十二月祖妣 贈貞敬夫人蔚山金氏卒

三十七年本朝光海元年己酉公三十二歲

四月夫人蔡氏卒无育

三十八年庚戌公三十三歲

三十九年辛亥公三十四歲

聘夫人光山金氏宣教郎信之女也

四十年壬子公三十五歲

四十一年癸丑公三十六歲

晴沙公以賀節使書狀官朝天

四十二年甲寅公三十歲

子斗綱生

晴沙公以書狀官復命

四十三年乙卯公三十歲

四月公在太學與進士鄭澤雷等疏斥孽臣廢
母之論卞完平李相公扶倫之義辭氣凜然

十月擢謁聖文科第五人

四十四年丙辰公三十歲

九月除校書館副正字蓋以毅烈公殉節依事目
直付六品而芸閣之職出於爾瞻輩乘時逞憾也

四十五年丁巳公四十歲

拜繡衣御史彈劾權奸及時宰之貪臧復啓未幾
竟為君年少之羅織至有蛇島之行旋即蒙恩宥
放釋

四十六年戊午公四十歲

八月夫人金氏卒

四十七年己未公四十歲

光宗皇帝嘗曰元年庚申公四十歲

聘夫人豐川盧氏 贈左承旨宣之女也

八月以書狀官朝天領漂海唐人到京

皇上嘉其優恤之本忠順之誠賞賜國王銀壹百兩
錦四段紵絲二十表裏賜勅獎諭 時魯使亦朝

天聞我國素有禮義之俗來訪於客館問書狀
姓名答曰高某云魯使曰齊峯之後裔耶答曰王
考也魯使曰齊峯之精忠大節天下之所共知也
訛不欽慕因起拜而加敬焉蓋癸丑年晴沙公朝

天時以齊峯集及正氣錄廣布於十二國諸使

故今魯使有此問答焉

時魯國即大明太祖
第八子祀之所封

熹宗皇帝天啓元年辛酉

公四十
四歲

泰昌皇帝梓宮在殯周旋處變少無違禮 皇上獎

其禮制應變之甚詳賜酒饌及銀畫盃一雙紅梅
一盆顧氏畫譜四卷蓋稀賞也三月復命時事大
變無意仕進歛迹於昌平柳村與鄭畸翁弘溟林
掌令得悅梁主簿千運諸公詩酒自娛焉

二年壬戌

公四十
五歲

仁祖大王在潛邸時以國事之緩急再三親訪而公
未肯就 命但薦后山吳希道 仁廟覽山水之
勝賜所居號柳川二字堂前大柿樹即 仁廟繫
馬樹云

三年

本朝
大元

仁祖
元年

癸亥

公四十
六歲

子斗明生

春拜兵曹佐郎知製教與趙續韓蔡謙吉趙裕善八九諸公禁直有會盟圖蓋大殿定位之初有北虜之憂朝野恐懼故公與同僚以一心贊襄之意有盟會焉

六月補南平縣監十一月以試官不進遞歸自是常帶三字御

四年甲子公四十歲

時有逆變乘輿播遷公家居聞變與靜軒公偕義至泰仁聞逆伏誅而罷歸

三月拜工曹佐郎

四月移拜兵曹正郎赴關西幕佐有塞下曲二首贈多人口

五年乙丑公四十歲

三月拜司諫院正言有乘駟之教上疏辭職

四月拜成均館典籍

五月還拜正言時公與白軒李相公迨勅于太平館泮儒有違法之事啓辭以正之

六月移拜直講

八月補興陽縣監

九月與稚川尹公清陰金公月沙李公同叅靖社原從功臣一等錄券有父母封爵子孫承蔭者及後世之教

六年丙寅公四十九歲

辭職還鄉家食於光州

七年丁卯公五十五歲

時在光州鄉第聞姜虜之變急赴尼城以號召使沙溪金先生從事官扈衛東宮來到全州多有論事策應之備而扈衛大將柳斐然遞授統御使辟公為從事官將治兵北上之際聞賊奴請和而

歸東宮旋駕公亦還第泣血封疏其大略曰臣之八祖公父伯父俱以閔廢死節於倭亂臣之不肖無狀幸沐新化猥廁從班則非分極矣夙夜惕念惟恐忝爾所生當此主辱臣死之日未效涓埃之報罪合萬死云云

赴義到尼山時貽書斗綱勿以世亂而廢讀為戒

毅宗皇帝崇禎元年戊辰公五十一歲

二月拜直講

尋拜掌令申叔朴烜等請叔適職之命連五啓七月移拜濟用監正

年譜

八

十月補善山府使未赴遞還

十二月拜禮賓寺正

二年己巳五十一歲

四月拜司導寺正

八月移拜尚衣院正

九月移拜宗簿寺正

十一月又拜掌令時 慈殿欲行拜 陵之禮連

上二啓極言其非禮

十二月移拜軍器寺正

三年庚午五十二歲

三月拜宗簿寺正

七月拜掌令啓請革罷宮家免稅內奴復戶之事

晴沙公以冬至使書扶官朝 天西郊餞席以酒

盃擲自點之類

十月拜直講

尋拜宗簿寺正

十一月 贈考領議政以焚黃事陳情乞遞 特

命給由乘駟還鄉

十二月拜掌令

移拜直講

同書集九

年譜

九

又遷尚衣院正

尋拜掌令一月之間四度承命皆不就職

四年辛未四十五歲

正月付副護軍

二月補靈巖郡守未赴旋遷

七月拜司饗院正

十一月移拜承文院判校知製教

晴沙公以書狀官復命為白點誣陷在縲絏中

五年壬申五十五歲

二月拜掌令上疏為晴沙公鳴冤封進從信錄

三月移拜世子侍講院弼善

四月拜宗簿寺正

旋拜掌令

移拜弼善

遷拜掌令

六月拜弼善

七月移拜掌令

時迺平李公進追索之議啓請罷其職崔有海

私問大禮於華人啓論其罪請削仕版

十月付忠武衛司直

月參集

六年癸酉公五十六歲

晴沙公以特命覽于晉州

四月移付副司果

五月拜司導寺正

七年甲戌公五十七歲

八月拜司養院正

八年乙亥公五十八歲

祖考贈諡忠烈

晴沙公以特命量移林川

四月拜掌令

移拜成均館司藝

九年丙子公五十九歲

六月初六日捐世于漢上之第朝野相知聞其訃

莫不嗟惜金仙源金清陰尹稚川張谿谷崔逢川

尹海嵩尉徐達城尉鄭暗翁洪永安尉李天默齋

宋栗翁諸賢皆有哀輓焉

八月返葬于長城朝會陽卯坐之原

七代孫輝鎮竊閱遺集刊行之積歲未遑與諸宗

設謀剖劓而四從身勉鎮叔拾斷爛餘篇更述闕

畧慮有致誤辛酉秋考訂於族叔應教時鴻又就

正于奇掌令正鎮遂刪定焉

月峯集卷之九

月峯集跋

我家節義文章 皇朝孫御史元化謂逼真於文山
又曰忠節孝悌四美具美者蓋的確語而其見推於
中朝可知也毅烈公以後惟我月峯公襲其華而趾
其義公以英炳清絕之才生于奕世文獻之門自稚
少聲望藹蔚為當世巨公所獎詡而又能遭遇鴻運
羽儀明庭以文彩風標貢歸一代之文猷而惜乎未
主詞壇之盟者實由於孤拔寡合不枯槁於時人也
畸翁常曰其文吾畏其清越警發此足為印證之定
論也其殘膏賸馥固已膾炙人口而宜為雲仍百世

巾行之歲矣不幸公客宦未歸臯復於京邸所成遺
帙散逸十公其八九曾王考悔過公僅輯啓文如干
首為一卷而王父繼得其吟詠贈遺詩數十篇粹以
藏于家而時移迹陳野衷之零些如此良可恨也先
君子嘗欲精寫一本以待後昆有力者剞劂之而晚
境抱疴有志未就而奄棄孤嗚呼三世所編輯之先
藁遺餘於塵箱蠹簡而典刑之所寓手澤之所著爛
然如隔晨孤露餘生撫卷一痛烏可忍也不肖大慙
其州公木卒湮沒無傳謹攷家藏遺帖朝 天日乘
啓文詩集等又旁搜遠近或播於古今人口或載於

諸家文集或懸於亭閣壁上者鳩成一帙又以昏朝
申救李完平合疏羣公會輓詩章尾之卷末噫求之
雖勤得之甚數亦烏無泰山毫芒之歎耶敢以蕪拙
庸識於後欲使為吾子孫者知遺義之不可泯而累
世蒐葺之意有不可忘也云爾

崇禎紀元後丁巳季春上浣玄孫萬紀謹識

月峯集跋

吾先祖忠孝節義無愧於下成陽蓋一世已定之價
而中朝孫御史所稱四美俱者亦言忠節孝悌則
文章固餘事也然而宋之文文山忠節冠古今而文
章超越當世麗之鄭圃隱為東邦道學節義之宗而
文章輝映今昔是知忠義之積于中而文章之發於
外者自然而然而不期義而義也然則我先祖齊峰忠
烈公隼峰孝烈公鶴峰毅烈公之忠節冠古今文章
映當時者亦惟自然而然而不期義而義者也已暨我
六代祖月峯公再遭國難兩高揭義實出於忠孝節

戶部集卷之二
義之善繼善述則文章之發乎中萃于外者亦豈非
固其然者乎嗚呼公遭遇明時揚于王庭而未管
文樞低回下僚寔適於寡合時人也而謹考啓辭之
炳烈音韻之清越忠義文章堅可追惟矣噫公之疏
章詩律亶亶來仍之也笥百千而公不幸臯復京旅
篇縻散公十塵存一五代祖悔過公輯文啓成一卷
高祖奉直公禊詩詞十數篇而再從祖又旁求如干
詩文補成一棗泰山岱毫之歎曷其已矣乎但忠義
已著於所存疏啓文章自著於若干韻語則所稟之
未夥不害於知公之忠義見公之文華也所輯詩文

傳寫之際慮或字句有訛編次有錯不肖迺敢較而
准之幸先祖遺義之不泯感累世蒐葺之至意自忘
筓荒識此顛末云爾

歲乙巳十二月上旬六代孫時佐謹識

月峯集跋

高氏一家三節國史載之華人誦之又有尹月汀諸賢所編正氣錄至今耀人耳目矣余謂天地間胚胎之正氣萃于高氏之門乎何由前而生三節由後而又生月峯先生也先生當孽臣斃倫之世以布衣抗章力討之及釋褐逆适稱亂又糾旅而赴難其激忠蹈義剛毅正直之氣百世之下猶可想見而起欽也後孫濟遠方謀刊遺集以示余余曰先生之生也得其氣之粹正者鬱蔚以為節義散以為文章鄭畸翁常言其文清越警發吾所畏也此可見當時已有定論

顧余庸淺末學綴有一二窺班曷敢有贅辭也然先生之垂後也豈專在斯惟其平生所樹立卓然炳然有可以趾美家庭激起後人且輓詞之揄揚贐章之推詡多出於正氣錄叙跋諸賢之手是皆立言君子也然則高門名節三可為四而此編謂之正氣錄亦可也歟

通訓大夫行弘文館校理俞晚源謹識

月峰集跋

右月峰集高公諱傳川著也公以布衣抗章討賊臣及釋褐糾旅赴難烈之為臣勅公所以不朽者固在此有不

待咳唾之味然玩其辭味其
旨有足以知公之為公之生長
於一門三忠之家剛毅正大之
氣高亮毓胎以動直清白
著于時雖百世之遠聞公之風

頑可磨而懦可立所居避去
是以忠義襟胸於中英華彪
於外於亦言語文字之間必
不出於正使讀者自不覺洋洋
動而起敬其平生所樹之蓋

月峯真筌
可想正堂世之操觚美墨者所
可倫擬哉夫若假以車爵几置之
以加必將裨世以鳴國盛而不
幸焉其命又不幸而不寃至
者益推未措於事業所傳

家而強後不過零金片玉之類
拾此為志士之恨耳嗚呼其人
賢然後其言可不朽苟非其人
雖有言不足恃也然則言之不
朽也亦可曰不在於斯歟

崇祿大夫行吏曹判書

無奎章閣提學金瑬

惟謹跋

